

FRAMÚRSKARANDI ÁRANGUR HJÁ WISE

ÁHERSLA Á SKÝJALOUSNIR LYKILL AÐ VELGENGNI



Wise er til húsa við Borgartún 26 í Reykjavík.

Þetta er í fjórða sinn sem Wise er útnefnt í Microsoft Dynamics President's Club. Viðurkenningin endurspeglar velgengni og vöxt fyrirtækisins undanfarin ár, en í þessum klúbbi eru allra bestu samstarfsaðilar Microsoft Dynamics á heimsvísu.



Ragna Sveinsdóttir, viðskiptafræðingur frá Háskólanum í Reykjavík, tók á liðnu vori við skólastjórn Wise-skólans. Hún hefur undanfarnar vikur verið að undirbúa komandi haustönn.

Fyrirtækið Wise við Borgartún 26 í Reykjavík hefur hlotið viðurkenningu sem einn af bestu samstarfsaðilum Microsoft fyrir framúrskarandi árangur á síðastliðnu ári. Lykillinn að velgengni Wise er áhersla á skýjalausnir, sterk markaðsstaða og stöðug þróun undanfarin ár. Wise skólinn hefst í byrjun september og stendur haustönn fram í desember, en í boði eru námskeið bæði fyrir byrjendur og lengra komna.

Jón Heiðar Pálsson, sviðsstjóri sölu- og markaðssviðs Wise, segir fyrirtækið einn af stærstu söluaðilum bókhaldskerfisins Dynamics NAV hér á landi. Þetta er í fjórða sinn sem Wise er útnefnt í Microsoft Dynamics President's Club. „Viðurkenningin endurspeglar velgengni og vöxt fyrirtækisins undanfarin ár, en í þessum klúbbi eru allra bestu samstarfsaðilar Microsoft Dynamics á heimsvísu,“ segir hann, en aðildin er veitt fyrir stöðuga viðleitni til að mæta þörfum viðskiptavina með lausnum og þjónustu sem þeim hentar.

MARGVÍSLEGUR ÁVINNINGUR

Jón Heiðar segir að góður árangur komi m.a. til vegna lausna sem Wise veitir í skýinu, hýsingu í Azure-skýi Microsoft, einu öruggasta og öflugasta gagnaveri sinnar tegundar í heiminum. Með því að kaupa áskrift að bókhaldskerfinu og hýsa það í áður nefndu skýi spara viðskiptavinir fjárfestingu í vélbúnaði, afritunarbúnað, hugbúnaðarleyfi og kostnað við rekstur tölvu kerfa.

„Við bjóðum uppsett kerfi, tilbúið til notkunar á nokkrum mínútum, það er lykillinn að því að NAV er tilvalið fyrir allar stærðir fyrirtækja og hægt er að keyra það hvaðan sem er í heiminum. Með hýsingu í skýinu er bókhaldskerfið aðgengilegt hvar sem er og hvenær sem er, í tölvunni, símanum eða spjaldtölvunni,“ segir Jón Heiðar.

Wise hefur sérhæft sig í lausnum á sviði fjármála, verslunar, sveitarfélaga, sjávarútvegs og flutninga og eru mörg af stærstu fyrirtækjum landsins á þessum sviðum í viðskiptum við fyrirtækið.

METNAÐARFULL NÁMSKEIÐ

Wise starfrækir sérstakan skóla þar sem væntanlegir notendur fá leiðsögn á bókhaldskerfi félagsins. Ragna Sveinsdóttir viðskiptafræðingur tók á liðnu vori við skólastjórn Wise-skólans. Hún útskrifaðist frá Háskólanum í Reykjavík vorið 2011. Ragna hefur undanfarnar vikur verið að undirbúa komandi haustönn.

„Wise-skólinn mun líkt og áður bjóða upp á metnaðarfull námskeið fyrir byrjendur og lengra komna þar sem kennarar leggja áherslu á að auka skilning og færni á Microsoft Dynamics NAV. Nemendur fá góðar kennslubækur sem nýtast vel að loknu námskeiði og hjálpa til að viðhalda því sem kennt var á námskeiðinu,“ segir Jón Heiðar. Meðal þess sem í boði verður í haust er námskeið í nýjstu útgáfu NAV 2016, auk námskeiða í eldri kerfum.

Kennarar Wise-skólans búa yfir sérþekkingu og reynslu í hverju námsefni fyrir sig þannig að nemendur munu auka skilning og færni í Microsoft Dynamics NAV eftir að hafa setið námskeið hjá Wise. ■